

Allannguutissatut siunnersuut

Uunga

Siunnersuut uunga: Aalisarnermut aningaasaliissutitut immikkoortitat pillugit Inatsisartut inatsisaata allangortinnera pillugu Inatsisartut inatsisaat nr. xx, xx qaammat 2011-imeersoq

Pingajussaaneernissaanut Naalakkersuisunit saqqummiussaq.

§ 1-imut

1. *Nr.* 3-tut ikkunneqassaaq:

”§ 16-ip kingorna ikkunneqassaaq:

§ 16a. § 16 imm. 2 atorneqassanngilaq aalisartut marluk amerlanerilluunniit ataatsimut angallatiminnut isaterinissamut tapiissutinik qinnuteqaateqarsimappata, ilutigalugulu angallammut nutaamut ataatsimut (1) ataatsimoorlutik pissarsiniarnermut tapiissutinik qinnuteqaateqarsimappata.

Imm. 2. Imm. 1-imi angallat nutaaq pineqarpoq angallat nutaavik siornatigut allanit pigineqarnikuunngitsoq.

Stk. 3. Aalajangersagaq una malillugu isaterinissamut tapiissut taamaallaat isaterivinnernut aningaasaliissutigineqartassapput.”

Siunnersuummut oqaaseqaatit:

Oqaaseqaatit nalinginnaat**Aallaqqaasiut:**

Inatsisartut inatsisissaattut siunnersuutip allannguutissaatut siunnersuut Aalisarnermut, Piniarnermut Nunalerinermullu Ataatsimiititaliap inassuteqarneratigut saqqummiunneqarpoq.

Allannguutissatut siunnersuutip allaffissornikkut aningaasaqarnikkullu kingunerisinnaasai:

Siunnersuut allaffissornikkut aningaasaqarnikkullu pisortanut kinguneqarnissaa ilimagineqanngilaq.

Siunnersuut qinnuteqaateqartunut aningaasaqarnikkut iluaqutissartaqarnissaa ilimagineqarpoq, isaterisoqarneranimi akuersissutip pigiinnarneqarnissaa siunnersuutip

periarfissimmagu. Aningaasaqarnikkut qanoq atsigisumik iluaquteqarnissaa piginnittup sumut akuersissuteqarnerata aalajangertarpaa. Taamaammat siunnersuutip aningaasaqarnikkut qanoq atsigisumik iluaqutaanissaa oqaatigiuminaappoq.

Tusarniaaneq:

Allannguutissatut siunnersuut inatsisitigut pissusissamisoornersoq misissorneqareerpoq.

Siunnersuut Aningaasaqarnermut Naalakkersuisoqarfimmut tusarniutigineqarpoq.

Naalakkersuisoqarfik siunnersuutip imarisaanut oqaaseqaateqanngilaq.

Aalajangersakkanut ataasiakkaanut oqaaseqaatit:

§ 1 -mut

Nr. 1-mut.

Imm. 1-mut:

Aalajangersagaq aatsaat atorneqartassaaq aalisartut marluk amerlanerilluunniit qinnuteqaateqaraangata, aamma qinnuteqaammi angallammut ataatsimut (1) nutaamut ataatsimoorutassamut taperneqarnissamik qinnuteqaat ilanngullugu nassiuqqarsimappat. Aalajangersagaq atorneqassappat piumasaqaatit taakku tamarmik eqquutinneqassappat.

Aalajangersagaq inatsimmi malittarisassani pingaarnermi § 16-imik annikitsumik allannguineruvoq, tassanimi takuneqarsinnaammat isaterinissamut tapiissutinik aningaasaliisoqartillugu akuersissutinik atorunnaarsitsisoqartartoq.

Imm. 2-mut.

Angallatip nutaajulluinnarnissaanut piumasaqaammut tunuliaqutaavoq, siusinnerusukkullu allanit piginnittoqarsimanginnissaanut peqqutaavoq angallatinik nutarterinissamut siunertap eqquutinneqanngitsoornissaata pinngitsoortinnissaa. Taamaaliornikkut allanut tunniussinermi tapiissutinik tunineqarnissaq piinnarlugu tunniussinginnissaq qulakkeerseqassaaq.

Toqqaannartumik tunisassioortumiit nioqqutaarniartumilluunniit angallatit pisiat taamaallaat akuersissutigineqarsinnaapput.

Imm. 3-mut.

§ 15-imi tapiisarnerni tunngavissiat naatsorsuutigalugit aallaavigineqarpoq angallammik piginnittup aalisarnermiit ataavartumik ilaajunnaarnerani aningaasatigut iluaquserneqarnissaa

taartisiatut. Pissuseq pineqartoq atorneq ajorpoq aalisartup akuersissut
pigiinnarsimagaangagu, taamaalilluni aalisariut/angallat isaterneqarnerani aningaasartuutitut
taamaallat tapiissuteqartoqarsinnaavoq.

Aalisariutip/angallatip isaterneranut aningaasartuutit matuneqarnerisigut, kisiannili taakku
saniatigut tapiissuteqartoqaqqinnani, qinnuteqartumut isaterineq
aningaasartuutaassanngilaq.